



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-3-40-486-2/23**

Datum: 21.02.2024. godine

"Agencija za vodno područje rijeke Save" Sarajevo rješavajući po zahtjevu pravnog lica „BELAMIONIX“ d.o.o. Brčko, za izdavanje vodne dozvole za ispuštanje oborinskih onečišćenih voda sa prostora benzinske stanice izgrađene u Banjalučkoj ulici u gradu Bihaću, na osnovu člana 142. stav (1) i člana 218. Zakona o upravnom postupku ("Službene novine Federacije BiH", broj 2/98, 48/99 i 61/22) d o n o s i

ZAKLJUČAK

1. Odbacuje se zahtjev za pokretanje postupka, pokrenut od strane pravnog lica „BELAMIONIX“ d.o.o. Brčko za donošenje Rješenja o vodnoj dozvoli za ispuštanje oborinskih onečišćenih voda sa prostora benzinske stanice izgrađene u Banjalučkoj ulici u gradu Bihaću. Naime za postojeći novoizgrađeni objekat benzinske pumpne stanice pokrenuta je procedura izdavanja vodnog akta – vodne dozvole po zahtjevu broj UP-I/ 25-3-40-177-1 od 23.04.2021. godine te je 18.03.2022. godine donesen Zaključak o Prekidu postupka, i trajat će dok se ne riješi prethodno pitanje, odnosno dok se ne uskladi postojeća te obezbjedi validna Zakonom propisana dokumentacija za izvedene radove, odnosno dok se ne izvrši tehnički prijem objekta od strane nadležne službe Grada Bihaća i ovoj Agenciji ne dostavi zapisnik komisije o tehničkom prijemu novoizgrađenog objekta benzinske stanice.

Obrazloženje

Pravno lice „BELAMIONIX“ d.o.o. Brčko je dana 31.10.2023. godine ponovno podnijelo zahtjev za izdavanje vodne dozvole ispuštanje oborinskih onečišćenih voda sa prostora benzinske stanice izgrađene u Banjalučkoj ulici u gradu Bihaću, iako već postoji njihov prijašnji zahtjev koji je zaključkom prekinut kako je i navedeno.

U provedenom postupku dostavljena je i pregledana sljedeća dokumentacija:

- Uplatnica upravne pristojbe,
- Dopis pravnog lica broj 169/23 od 25.10.2023. godine,
- Ovjerena kopija Rješenja o registraciji subjekta upisa u sudski registar; izdano od strane Osnovnog suda u Brčko distriktu BiH pod brojem: 096-0- Reg-23-000031, dana 17.01.2023. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine pod brojem: 04/1-17-1-UPJR/1-7637-2/12, dana 14.02.2013. godine, u Banjaluci,
- Ovjerena kopija Uvjerenja o registraciji poreznog obveznika; izdano od strane Brčko distrikta BiH, Poreska uprava Brčko distrikta, dana 01.06.2006. godine,
- Projekat izvedenog stanja vanjskih hidroinstalacija benzinske pumpe „Belamionix“ PJ 82 Bihać, izrađen od strane „TQM“ doo Lukavac, pod brojem 10-228/23 od oktobra 2023. godine,
- Kopija Uvjerenja JP „Vodovod“ doo Bihać, kojim se potvrđuje da je pravno lice „Belamionix“ doo na adresi Banjalučka bb Bihać priključeno na vodovodnu i kanalizacionu mrežu grada Bihaća,
- Izvještaj o monitoringu kvaliteta i kvantiteta otpadnih voda Belamionix poslovna jedinica br. 82- Banjalučka bb Bihać izrađen od strane TQM doo Lukavac pod brojem 1/1 od jula 2023. godine,
- Kopija uplatnice kao dokaz o plaćanju posebnih vodnih naknada i EBS obrazac,
- Ugovor o čišćenju separatora i zbrinjavanju opasnog otpada sklopljen sa pravnim licem „Kemeko –BiH“ doo Puračić – Lukavac od 08.03.2023. godine,

Po utvrđivanju činjenica odlučujućih u konkretnom slučaju, ovaj organ je zaključio da i pored korektne komunikacije sa predstavnikom pravnog lica podnosioca zahtjeva, nije dostavljena Zakonom predviđena dokumentacija kako je traženo, a što je pravno lice i obrazložilo u svom dopisu koji smo naveli a to je zbog neriješenog prethodnog pitanja koje treba da se riješi sa organima uprave Grada Bihaća, a u vezi sa tehničkim prijemom predmetnog objekta.

Agencija za vodno područje rijeke Save, Sarajevo uvažiti će dostavljenu dokumentaciju te će nakon rješavanja prethodnog pitanja nastaviti i okončati prekinuti postupak, u skladu sa članom 142. stav 1. i članom 218. Zakona o upravnom postupku («Službene novine Federacije BiH», br.:2/98, 48/99), odbacuje zahtjev za ponovni postupak u skladu sa Zakonskim propisima.
Na osnovu navedenog, a u skladu sa članom 142. stav 1. i članom 218. Zakona o upravnom postupku («Službene novine Federacije BiH», br.: 2/98, 48/99 i 61/22) riješeno je kao u dispozitivu ovog zaključka.


UPUTA O PRAVNOM LIJEKU

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obradivač akta:
Fuad Mujagić, dipl. inž.

Po ovlaštenju
Rukovodilac sektora za zdavanje vodnih akata

Haris Ališehović
Haris Ališehović, dipl.inž.grad.



Dostaviti:

- „BELAMIONIX“ d.o.o. Brčko, Cerik bb, 76120 - Brčko,
- Org. jed. 40 - Arhiva
- Oglasna ploča AVP Sava
- Spis